

後村千家詩

十五

聖

棟亭藏本

後邨千家詩

揚州詩局重刊

古書流通處借南  
陵徐氏藏本影印

印代國公書文法五

分門纂類唐宋時賢千家詩選

目錄



後村先生編集

卷第一

時令門

春

探春

春遊

春陰

春暮

傷春

春愁

春恨

卷第二

時令門

夏

宮夏

初夏

秋

初秋

秋怨

秋晚

冬

冬暖

卷第三

節候門

後村千家詩目錄

元旦 新歲 人日 元日雨

元日登九仙 立春 十二月立春

歲前一日立春 元日後一日立春

人日後一日立春 立春前一日

客中立春 上元 上元遇雨

翫燈 嘲禁 科費 御製

寒食

卷第四 節候門

端午 端午謁見 伏日

立秋 七夕 中秋 十四日夜

重陽 客中重陽 登高有感

閏月重陽 舟中重陽

重九前一日賞 舟別 冬至

臘 除夜

卷第五 氣候門

寒 春寒 暑 暖

涼 晴 春晴 秋晴

冬晴 乍晴 喜晴 祈晴

旱 閔雨 久旱喜雨

卷第六 晝夜門

曉 宮曉 早朝 江上早行

山中早行 晝 晴晝

晚

晚晴

江上晚

夜

舟中夜

夜遊

春夜

夏夜

秋夜

冬夜

夜坐

寒夜

雪夜

卷第七 百花門

花

看花

惜花

落花

歎花

笑花

山花

探花

賞花

春花秋開

梅花

未開梅

早梅

寄梅

紅梅

種梅

探梅

南枝開北枝未開

尋梅

見梅

雪裏觀梅

卷第八 百花門

黃萼梅

綠萼梅

九月梅

枯梅

真州梅

瓶梅

落梅

青梅

梅桃

梅竹

桃花

十月桃

山中見桃

櫻桃

杏花

梨花

梨

海棠

垂絲海棠

卷第九 百花門

牡丹

白牡丹

翦牡丹

芍藥

瑞香

荼蘼

荷花

新荷

敗荷

雨中荷花

賞荷

蓮花 採蓮 白蓮花 青蓮花

蓮實 早蓮 雙頭蓮 荔枝

鴉 荔枝 芙蓉 黃芙蓉

木芙蓉 三月芙蓉

卷第十 百花門

桂花 秋晚未開 落英

買木犀花 菊花 五月菊

九月初十日菊 十月見菊

蘭花 種蘭 一榮一枯

薔薇 紫薇 葵花 黃蜀葵

芭蕉 未展芭蕉 玉蕊花

橘花 柑 山茶 石榴花

十月榴 金錢花 茉莉

卷第十一 竹林門

竹 筍 新竹 斑竹

直竹 柳嘲竹 竹荅柳 松

枯松 松明 柏 楓

楊柳 宮柳 柳絮 三眠柳

種柳 柳耳 百草 宮草

萍 苔

卷第十二 天文門

日月 新月 雲掩半月

十四夜月

霜月

半月

翫秋月

十六夜月

星

雲

風

春風

秋風

冬風

江上阻風

雨

春雨

夏雨

秋雨

祈雨

久雨

喜雨

夜雨

暮雨

江上遇雨

書堂遇雨

上嶺遇雨

登山遇雨

客中雨

卷第十三

天文門

霜

露

霧

雪

舟中雨

漏屋雨

瑞雪

途中遇雪

春雪

賀雪

夜雪

雪霽

雪後暖

雷

雷鳴不雨

虹

卷第十四

地理門

山

山居

登山

登嶺

深山

山行

宿山家

遊山

村

田家

江村

村居

山村

郊野

野

郊垌

郊行

郊行遇雨

卷第十五

地理門

江景 江行 湖 西湖

江望 江居 江舍 江上泊舟

江漲 江上暮景 湖景

春遊湖 湖居 遊湖 初晴後雨

溪 溪居 溪行 舟夜泊溪

溪上二仙亭 泉 井

舟 採蓮舟 遇風險 阻風

泛舟松江 泊舟

卷第十六 宮室門

宮殿 宮詞 樓 江樓

危樓 小樓 登樓晚望

登樓秋望 館舍 旅店

寺 古寺 山寺 江上寺

借寺宿 廢寺 入寺訪僧不遇

菴

卷第十七 器用門

筆 羊毫筆 筆陣 墨

箋紙 硯 水滴 牛水滴

蟾蜍 壓書石魚 蛟龍筆架

燈火 燈籠 旅舍燈 琴

碁 書 帖 畫

畫龍 墨梅 畫山 子猷訪戴圖



扇 畫山水扇 孀婦扇

羽扇 竹扇 劍 火爐

鏡 簞 壺 杖

茶磨

卷第十八 音樂門

箏 吹笙 羯鼓 笛

胡笛 聞笛 角 聞角

鐘 晚鐘 鞞鞞 打球

卷第十九 禽獸門

鶯 燕 百舌 子規

鴈 孤鴈 鴈陣 鵲

肥沙 灑翅 鴛鴦 鷺

鶴 病鶴 鶴雛 鳳

烏 鷓鴣 翡翠 鷗

黃雀 孔雀 鵬 鸛

馬 馬過橋 老馬 貓

貓捕燕 鷄 附 朝鷄

卷第二十 昆蟲門

蜂 蝶 蟬 秋蟬

螢 蛩 蜘蛛 紅蛛

蛙 蟻 蚊 虻蚊

烘蚊 蠶 蠶婦 鱖魚

宋本字

鱉

烏賊

食蟹

卷第二十一

人品門

神仙

酒仙

隱逸

隱居鑑湖

道士

學道

讀道書

造籙

仙道

煉丹

採藥

爐鼎

火候

沐浴

溫養

脫胎

金丹

雲遊

卷第二十二

人品門

僧

老僧

術士

醫卜

醫士

卜士

相士

星學

醫兼畫

農

老農

豐年

勸農

農家

漁父

樵夫

牧童

分門纂類唐宋時賢千家詩選目錄終

分門纂類唐宋時賢千家詩選卷

蘇州府志

後村先生編集

時令門

春 附 探春 春遊 春陰 春暮 傷春  
春愁 春恨 送春 餘見天文氣候門

唐賢 春 李商隱

九十春光鬪日光 山城斜路杏花香  
幾時心緒渾無事 得及游絲百尺長

又 宋素臣

一春情調淡悠悠 閑倚書窗背小樓  
暖日只添中酒睡

晚風頻動惜花愁鶯衝舞蝶侵人過絮逐輕絲觸處遊  
已為韶光發惆悵可堪家近白蘋洲

又

韋莊

滿街楊柳綠絲煙畫出清明三月天好是隔簾花樹動  
綺羅撩亂送鞦韆

二月客中

柳宗元

宦情羈思共淒淒春半如秋意轉迷山城過雨百花盡  
榕葉落庭鶯亂啼

春遊

張仲素

煙柳飛輕絮風榆落小錢濛濛百花裏羅綺競鞦韆

又

周繇

青衫薄薄漏春風日暮鳴鞭柳影中回望玉樓人不見  
酒旗深處勒花驄

又

杜甫

朝迴日日典春衣每日江頭盡醉歸酒債尋常行處有  
人生七十古來稀穿花蛺蝶深深見點水蜻蜓款款飛  
傳語風光共流轉暫時相賞莫相違

三月遊春

李涉

野寺尋花春已遲背巖惟有兩三枝明朝攜酒猶堪賞  
為報春風且莫吹

三月三十日

賈島

三月正當三十日風光別我苦吟身共君今夜不須睡

未到曉鐘猶是春

春暮

杜甫

腸斷春江欲盡頭，杖藜徐步立芳洲。  
顛狂柳絮隨風舞，輕薄桃花逐水流。

又

韓昌黎二首

草木知春不久歸，百般紅紫鬪芳菲。  
楊花榆莢無才思，惟解漫天作雪飛。

又

誰收春色歸將去，嫵綠妖紅半不存。  
榆莢祇能隨柳絮，等閑撩亂走空園。

春愁

劉方平二首

紗窗日落漸黃昏，金屋無人見淚痕。  
寂寞閑庭春欲晚，梨花滿地不開門。

又

朝日殘鶯伴妾啼，開簾只有草萋萋。  
庭前時有東風入，楊柳千條盡向西。

春恨得家信

徐凝

兩轉三回讀遠書，畫簷愁見燕歸初。  
百花時節教人嬾，雲髻朝來不欲梳。

宋賢春

蔡確

十二天街雨壓沙，鞦韆呖嚳響人家。  
東風會勸十分酒，寒食初開百玉花。  
年少斬新金絡馬，柳陰無數畫輪車。

春來誰道遲遲日尤覺春來日易斜

又

范蜀公

絳萼梅初藥青條柳未陰羣芳自先後一氣本無心

又

朱淑真四首

樓臺影裏蕩春風叶氣融怡物物同草色乍翻新樣綠  
花容不減舊時紅鶯唇小巧微煙裏蝶翅輕便細雨中  
聊把新詩記風景休嗟萬事轉頭空

又

乍暖還寒二月天釀紅醞綠鬪新鮮日烘春色成和氣  
風弄花<sup>嫩</sup>香作瑞煙鶯舌似簧初學語柳條如線未飛綿  
金杯落酌黃封酒欲勸東君莫放權

又

日暖風和明媚天最宜吟詠入詩篇庭花吐藥紅如錦  
坼柳飛花白似綿深院雕梁巢燕返高林喬木谷鶯遷  
韶光正近清明節花塢樓臺酒旆懸

又

景近清明節垂楊綠縷長寒<sup>塞</sup>鴻歸朔漠海燕度瀟湘花  
麗繁爭錦鶯嬌巧轉簧西園正明媚收拾入吟鄉

二月

曾布

二月春華已半歸江天況值雨垂垂山梅倏忽花經眼  
園杏須臾子滿枝

探春

鄭解

雪後清風特地斜柳條疎瘦未藏鴉與君試去探春信  
看到梅花第幾花

又

呂居仁

謾遣兒童掃雪開却穿籬落看春回溪山冷落泥三尺  
故舊飄零酒一杯止買芒鞋供踏雪更攜藜杖與尋梅  
玉川縱老生涯在時有鄰僧送米來

春遊

司馬溫公

人物競紛華驪駒逐鈿車此時松與柏不及道傍花

春陰

錢昭度

雨燕初飛隴麥青春雲將雨滯行人雲間若有金烏賣  
應被豪家佔得春

又

黃山谷

竹筍初生黃犢角蕨芽初長小兒拳試尋野菜炊香飯  
便是江南二月天

又

王荆公

日淨山如染風暄草欲薰梅殘數點雪麥漲一溪雲

又

呂縉叔

海棠陰淺日黃昏畫閣輕寒繡被溫春夢醒來能記否  
賣花聲過忽開門

春暮

向敏中

恨別春歸酒滿杯殘芳繚繞舊亭臺不甘淑景隨風變  
剛被炎光繼日催弱柳綠濃還易合天桃紅盡更難開

明年復與君相約重遣陽和早到來

又

落紅庭院綠池塘語燕啼鶯亦可傷  
霽柳吹花春已老  
暄槐成幄日初長

又

蜂蝶如知春已歸雨餘鶯亦縷金衣  
東風盡把楊花翦  
吹作滿城輕雪飛

又

張文潛

春盡空餘白日長枝頭青杏已堪嘗  
人閑簾幕燕相語  
風暖園林柳半黃  
病裏不知時節換  
老來都減少年狂  
殘風濁酒應堪在更遣流鶯送幾觴

又

王逢原

三月殘花落更開小簷日日燕飛來  
子規夜半猶啼血  
不信東風喚不回

又

張弋

日日雨霏霏開門無所知  
謾尋花發處已過絮飛時  
替紙蠶生遍修巢燕立危  
但催人老去羞作送春詩

又

沈惟肖

燕翼初乾綠滿池  
桑陰收盡麥黃時  
一年春事又成夢  
幾日愁懷欲廢詩

又

蔡文饒

芳草莫尋遊處迹  
好花空認折殘枝  
啼鶯似怨歸何速



舞蝶應憐出太遲

又

李時

小園泥滑又妨行  
破曉東風始放晴  
九十日春將解印  
兩三杯酒自尋盟  
花依好竹如年少  
人對青山俱老成  
俗客不來清意足  
一吟聊復暢幽情

又

趙希逢

路入清溪一帶橋  
滿汀紅紫半零凋  
數峯髮髻山堆髻  
百態妖嬈柳颭腰  
聯轡踏花嘶寶馬  
當壚換酒解金貂  
堂堂無計留春住  
望斷天涯去路迢

又

朱淑真四首

一年妙處清明近  
已覺春光大半休  
檢點芳菲多少在

翠深紅淺已關愁

又

紅疊苔痕綠滿枝  
舉杯和淚送春歸  
倉庚有意留殘景  
杜宇無情戀晚暉  
蝶趁落花盤地舞  
燕隨狂絮入簾飛  
醉中曾記題詩處  
臨水人家半敞扉

又

燕子樓臺人寂寂  
榴花庭院日熙熙  
枝頭添翠鶯先覺  
葉底銷紅蝶未知

又

櫻桃初薦杏梅酸  
槐嫩風高麥秀寒  
惆悵東君太情薄  
挽留時暫也應難

傷春

何應龍

玉纖輕揭繡簾開行到花前淚滿腮正爾春心無處託  
一雙蝴蝶忽飛來

又

朱淑真

覽鏡驚容却自嫌逢春長是病厭厭吹花弄粉新來嬾  
惹恨供愁近舊日添生怕子規聲到耳苦羞雙燕語穿簾  
眉頭眼底無他事須信離情一味嚴

時賢

春

趙信菴三首

檀板且教停花嬌不耐驚日融鶯語滑風軟蝶身輕縷  
篆銷春晝遊絲弄晚晴誰家楊柳院笑語雜棋聲

又

綠竹移陰抹畫牆倚欄紅藥殿春光風開簾幙催香篆  
坐聽鶯聲春晝長

又

點點殘紅纈燕泥畫堂春暖日初遲綠楊影裏鶯聲碎  
正是南窗夢覺時

又

真西山

東風昨夜入簾帷便覺深宮漏影遲一曲涼州花盡放  
不須先作報春詩

又

帝里春光似酒濃管絃聲裏萬花紅熙熙和氣皇州滿  
都在乾坤橐籥中

又

土膏欲動雨頻催萬草千花一餉開舍後荒畦猶綠秀鄰家鞭笋過牆來

范大成

又

帝里風光二月新西湖幾隊踏青人杏花時節偏饒雨楊柳門牆易得春

戴石屏

又

春入長安百里家湖邊無日不香車一林柳色吾無分看殺庭前薺菜花

范稹

又

春來春去不知時只有詩人冷眼窺夜雨揩磨好山色

白玉蟾五首

曉風擡舉舊花枝

又

瘦沈皤皤暮日匆花邊有酒且從容春三二月東風裏鶯百千聲翠柳中

又

草根<sup>未</sup>放曉霜稀驟冷初暄蝶倦飛行到碧桃花下看新花良是舊枝非

又

伶倫窺管夜飛灰萬紫千紅暗翦裁微雨績天煙織雪寒風簸水月篩梅壽鳩索婦花前笑鰥燕呼雛柳外哀春草無邊茶未莢社前猶欠一聲雷

春遊

趙信菴

載酒尋春二月天  
天子規啼破綠楊  
煙日斜醉倚鞦韆  
柱石上桃花紅欲燃

又

楊誠齋

不知春向雨中回  
只到春光未苦來  
老子今晨偶然出  
李花全落杏花開

又

范成大

社下燒錢鼓似雷  
日斜扶得醉翁回  
青枝滿地花狼藉  
知是兒孫鬪草來

又

劉改之二首

東風鎮日倚闌干  
淺綠深紅取次攀  
麥隴浪翻袍色綠

花鈿風捲錦紋斑  
依林僧寺青山遶  
倚竹人家綠水環  
趁取春光未狼藉  
不嫌日日到花間

又

深林路轉午雞啼  
知有人家住隔溪  
花塢鬪紅春意動  
酒帘正直杏花西

又

林季謙

寶馬香車正踏青  
豈知已自過清明  
燕雛告訴花都盡  
鳩婦丁寧雨速晴

又

盧梅坡

紅芳滿眼鬪風流  
誰信春來有客愁  
惆悵不干桃李事  
故山煙雨憶松楸

又

白玉蟾六首

一春十病九困酒三月都無兩日晴  
明日乘驢芳草渡  
綠楊深處聽啼鶯

又

到處笙簫鼓笛中詩人隨分得春風  
提壺處處差監酒  
布穀朝朝講勸農

又

終日尋春入醉鄉不知何處見春光  
風條舞綠水楊柳  
雨點飛紅山海棠

又

一點春山一點愁一絲暮雨一聲鳩  
病中況更緣詩苦

夜去可堪無酒休

又

幽人何事苦傷春春雨無端愁殺人  
不但幽人獨愁怨  
江頭多少柳眉顰

又

曉風吹醒桃花醉暮雨添成柳葉愁  
醉了又愁愁又醉  
鶯煎燕爇逼春休

春陰

方秋崖

玲瓏碧樹巧臨池影在窗前作麼移  
水墨畫圖春淡淡  
鶯花庭院日遲遲不妨明月重相憶  
怎許浮雲浪得知  
一片舞裊軟弱柳風來時復謔腰肢

又

春潮昨夜沒平灘一雨催花色半含鶯喚元宵歸塞北  
燕銜新社到江南

華岳三首

又

春風恰恰破桃李池館無人一徑深鷗刷斷翎翻水面  
蝶拋殘粉出花心

又

春光不慷慨十日九逢陰蝶宿花留粉鶯眠柳借金

春暮

趙信庵

三月名園草色青夢回猶聽賣花聲春光不管人憔悴  
飛絮紛紛弄晚晴

又

依依楊柳已藏鴉風遞鶯聲透碧紗洗盡春光連夜雨  
海棠贏得兩三花

又

劉後村三首

晚雨泠泠子夜風杜鵑啼月小牆東江南詞客惜春老  
清曉披衣拾墜紅

又

一畝青苔半落英蜂忙蝶嬾互卿卿燕泥乾後兒初語  
魚尾輕時子徧成閑拂午窗驚野馬夢遊天竺聽華鯨  
舍南有柳纖纖在不奈雙蟬占取鳴

又

此春眼不到湖山過了春光只等閑願有東君相管領  
時吹飛絮入簾看

又

王臞軒

雲頭紅上三竿日煙際青來數點峯桑椹熟時鳩喚雨  
麥花黃後燕翻風

又

方秋崖三首

卷中未有好詩看草滿池塘夢已殘客又不來春又暮  
一簾新雨杏花寒

又

一樽無計遣春留落日傷情獨倚樓柔綠拍堤如可染  
老紅滿徑爲誰愁

又

青梅如豆帶煙垂紫蕨成拳着雨肥只有小橋楊柳外  
杏花未肯放春歸

又

戴石屏

撚指過三月又當春夏交花殘蜂課蜜林茂鳥營巢芳  
草生青靄新篁長綠梢風騷將斷絕誰有續弦膠

又

酒醒愁難醒春歸客未歸鶯啼花欲歇燕立柳風微

又

除蘼

劉改之

百花開盡到荼蘼一片春心又欲歸可恨東風留不得  
謾教啼鳥怨斜暉

又

光陰卒卒一飛梭如許頭顱奈老何  
狼藉落花春不管竹雞啼處雨聲多

又

危昭德

晴天楊柳絲千緒淡月梨花玉一庭  
又是東風去時節數聲啼鳥不堪聽

又

左經臣

池上柳依依柳邊人掩扉蝶隨花片落  
燕拂水紋飛試數交遊看方驚笑語稀  
一年春又盡倚杖對斜暉

又

高九萬

韶光催去太無情祇為東君去住輕  
雖欲遲留芳徑裏

如何禁得杜鵑聲桐花快落春風老  
梅子微酸晚雨晴從此嬉遊時節少  
不須日日報詩成

又

劉隨知

春至又春暮開心成古心花光隨雨薄  
草色共煙深粉蝶稀狂影黃鸝送好音  
餘芳留不得還共夕陽沈

又

王叔安

坐看飛溜落簷牙吟裏風吹鬢脚斜  
洛下牡丹無買處一枝空插杜鵑花

又

曹 豳

門外無人問落花綠陰冉冉遍天涯  
林鶯啼到無聲處春草池邊獨聽蛙



又

買春無計託花神費盡榆錢不計緡風絮飛成三徑雪  
雨犁翻動一園春

華岳三首

又

桃蹊噴火柳拖煙如豆青梅已半酸燕子怯春歸未得  
一簾風雨杏花寒

又

合到風煖杏花天轉頭過禁煙燕歸纔數日蠶起又三眠

又

危稹二首

三月湖天春晝長東風飄煖草浮光櫻桃熟後遊人倦  
柳絮飛時燕子忙

又

麥髯豆莢雨生肥閑綠園林粉蝶飛賸實好花安四壁  
不教人道是春歸

又

林季謙

日萼紅無幾煙條翠欲深殷勤連夜雨牢落暮春心洗  
盞愁驚醉擣毫瘦耐吟晚來幽夢破啼鳥尚餘音

傷春

楊誠齋

準擬今春樂事醲依然枉却一東風年年不帶看花眼  
不是愁中即病中

又

華岳

初入京華菊薦香途中今已過春芳十年恰走萬餘里

後村千家詩卷一  
兩鬢幾成一半霜却酒不禁春黯淡落花愁對月昏黃  
不堪夜半歸心切更被杜鵑愁斷腸

又

白玉蟾

盡把天工付祝融東皇歸去太華宮稜稜山色聳蒼玉  
湛湛波光浸碧銅楊柳入天鳩要雨海棠落地蝶嫌風  
好將杖屨西園看萬紫千紅一夜空

柳塘送春

白玉蟾

海棠開後雨冥綿寒食清明又一年勝賞挨排三月朔  
嫩晴將息百花天山光水色供圖障燕語鶯聲助管絃  
我自吟邊閑拄頰笑人陌上拾花鈿

又

殘紅點點送春光小立芳臺對夕陽鶯語只聞花裏面  
鷗飛宛在水中央風前綠草無人管煙外青山底處藏  
柳幄張天槐幙靜一川漲起麥雲黃

分門纂類唐宋時賢千家詩選卷第一終

乙丑十一月廿四日校宋本

棟宇藏中丙戌九月  
重刻于揚州博覽

分門纂類唐宋時賢千家詩選卷第二

後村先生編集

時令門

夏 附 立夏 初夏

餘見天文氣候門

唐賢 夏

杜甫

糝逕楊花鋪白糴點溪荷葉疊青錢竹根稚子無人見  
沙上鳧雛傍母眠

又

高駢

綠樹陰濃夏日長樓臺倒影入池塘水晶簾動微風起

滿架薔薇滿院香

又

徐寅

長養薰風拂曉吹  
漸開荷芰落薔薇  
青蟲也學莊周夢  
化作南園蛺蝶飛

又

程顥

百葉盆榴照眼明  
桐陰初密暑猶清  
深深重幕度香縷  
寂寂高堂聞燕聲

又

王荆公

細顧山光接水光  
凭欄十里芰荷香  
清風明月無人管  
并作南來一味涼

又

張文潛

桑間椹熟麥齊腰  
鶯語惺惚野雉嬌  
日薄人家曬蠶子  
雨餘山客賣魚苗

又

趙希逢

綠暗紅稀四月天  
榆錢鋪逕撒青氈  
雨肥渴動羹梅興  
風暖香傳餅麥鮮  
解慍更無琴可續  
納涼徒有句堪聯  
看看河朔相追逐  
避暑忘形到酒邊

又

朱淑真二首

竹搖清影罩幽窗  
兩兩時禽噪夕陽  
謝却海棠飛盡絮  
困人天氣日初長

又

枝上渾無一點春  
半隨流水半隨塵  
柔桑欲椹吳蠶老

稚筍成竿繡鳳馴

初夏

侯延慶

猥山狹路蔚桑麻籬落春歸尚有花  
雨漲小溪蒲劍短風回橫隴麥旗斜

時賢

初夏

趙信菴

院宇沈沈雨四垂博山香斷未多時  
驅除春事風姨怨貼水新荷又滿池

又

梅子留酸澀齒牙芭蕉分綠映窗紗  
日高睡起無情思閑看兒童捉柳花

又

櫻筍方天麥報秋梅黃雨過水平疇  
春歸欲帶春風韻枝上一聲黃栗留

又

徐元杰

橫波淚竹紋鋪簟疊雪輕羅香翦衣  
清夏槐生風細細新秋麥漲雨霏霏

又

戴石屏二首

乳鴨池塘水淺深熟梅天氣半晴陰  
東園載酒西園醉摘盡枇杷一樹金

又

梅子黃金杏子肥麥花雪白菜花稀  
日長籬落無人過惟有蜻蜓蛺蝶飛

又

窗戶經初雨風清野景饒閑庭猶戲蝶高柳已鳴蜩

又

白玉蟾二首

城中厭雨過清和偶出西郊野興多蠶簇趁晴方摘繭  
麥場經潤欲生蛾

又

曉來掠面更東風過盡溪山屬祝融楊柳引教荷芰綠  
海棠讓與石榴紅稻針刺水連青畝麥浪翻雲漲碧空  
我有浮瓜沈李約諸君同上紫霄峯

宮夏

真西山

瑤池十丈藕花香清賞尤便水殿涼聞說內家多富貴

冰盆浸果侑霞觴

又

水晶簾捲午風輕萬壑清寒凌室冰閑奏薰絃思解愠  
肯教人世濁炎蒸

又

午漏遲遲滴玉壺清陰幕幕布庭除直將底事銷長日  
大學中庸兩卷書

秋

附 初秋 秋晚

秋怨

餘見天文氣候門

秋

杜牧

銀燭秋光冷畫屏輕羅小扇撲流螢天街夜色涼如水

臥看牽牛織女星

又

孫僅

火雲猶未斂奇峯欹枕初驚一葉風幾處園林蕭瑟裏  
誰家砧杵寂寥中

又

趙嘏

殘星幾點鴈橫塞長笛一聲人倚樓紫豔半開籬菊靜  
紅衣落盡渚蓮愁

秋思

裴夷直

索索涼風滿樹頭破窗殘月五更秋病身歸處吳江上  
一寸心中萬里愁

雨中客愁

楊憑

辭家遠客愴秋風千里寒雲與斷蓬日暮隔山投古寺  
鐘聲何處雨濛濛

宋賢 秋

程明道

洗滌炎埃宿雨晴井梧一葉報秋聲氣從緹室葭莖起  
風向白蘋洲渚生

又

秦少游

月團新碾瀾花蕊飲罷呼童課楚詞風定小軒無落葉  
青蟲相對吐秋絲

又

沈惟肖

昨日新時秋西風夜轉頭吹來溪外雨藏却樹間樓暝  
帶棲霞色涼催客燕愁一尊吟未了衰鬢早颼颼

又

朱淑真

肅肅涼風至，淒然景驟清。  
雨餘殘暑退，日落晚涼生。  
鷹隼雙睛轉，梧桐一葉驚。  
試聽松竹裏，萬籟起秋聲。

時賢

范成大

新霜徹曉報秋深，染盡青林作纈林。  
惟有橘園風景異，碧叢叢裏萬黃金。

又

劉武子

乳鴉啼散玉屏空，一枕新涼一扇風。  
睡起秋風無覓處，滿街梧葉月明中。

又

華岳二首

滿目秋容拂畫圖，敗荷衰柳接平蕪。  
西風刮地鴈聲落

寒月滿天人影孤

又

暮色千林薄，秋空萬里長。  
寒蟬鳴晚樹，歸棹撥斜陽。  
水遠天同碧，風高葉脫黃。  
星星老蓬鬢，不覺到潘郎。

又

趙希逢

千林搖落竅號風，怒激秋濤氣勢雄。  
遠水兼天拖練白，曉風委地染丹紅。

初秋

方秋崖

殘暑何時退，秋風日夜生。  
已嫌湘簟冷，稍覺楚天清。  
山路晴猶濕，星河夜自明。  
時聞梧葉落，一似打門聲。

客中詠秋

戴石屏



榴花纔放客辭家客裏因循見菊花獨坐西樓對風雨  
天寒猶自着輕紗

秋晚

劉後村

晴窗早覺愛朝曦竹外秋聲漸作威命僕安排新暖閣  
呼奴熨帖舊寒衣葉浮嫩綠酒初熟橙切黃香蟹正肥  
蓉菊滿園皆可意賞心從此莫相違

又

高九萬

江頭楓葉舞低回催得濃雲頃刻開萬里碧天紅日晚  
數聲新鴈送寒來

又

宋器之

西風吹破黑貂裘多少江山惜倦游紅葉已霜天欲鴈

綠蓑初雨客吟秋

又

白玉蟾五首

嶺花洗面初收雨江草搖頭已怯風獨立危欄聊送月  
西邊落日叫孤鴻

又

檢點秋光莫問天只從孤燕見推遷未霜楊柳老多病  
既雨芙蓉美少年

又

拄杖相尋訪夕陽詩肩獨聳到昏黃白沙洲上西風起  
黃葉聲中秋意長

又

庭臯一葉夜來秋拍塞乾坤爽氣浮有客放船芳草渡  
何人吹笛夕陽樓鱸魚蓴菜季鷹興鴻雁蘆花宋玉愁  
碧水映天天映水淡雲如幕月如鉤

又

一點秋光寄畫圖秋來吟鬢似楓疎晴煙染樹看何足  
缺月梳雲狀不如暑退涼生蟬有語水長天遠鴈無書  
此心直欲鵬南舉不學蜘蛛結網居

冬

附冬暖

餘見天文氣候門

唐賢冬

李昭史

一氣推遷星復回人生常苦歲華催凍雲欲雪鴈聲過

臘酒正春梅信來

宋賢

又

沈惟肖

歲逢冬欲半心事更迢迢細雨寒窗閉孤燈長夜挑遠  
書和夢寫新酒帶愁澆明日有幽興尋梅到石橋

又

朱淑真

觸目園池景荷枯菊已荒風寒侵夜枕霜凍怯晨妝江  
上楓翻赤庭前橘帶黃題詩欲排悶對景倍悲傷

時賢

冬暖

戴石屏

脫却驕裘付酒家忍寒圖得醉京華一冬天氣如春暖  
昨日街頭賣杏花

又

華岳

天不雨霜雪朝曦與暮霞江梅呈臘藥巖桂又冬花

又

臘月南州不類冬梨花飄粉小桃紅未曾飛動遙山雪  
早有春三二月風

又

凍雪寒雲作冷冬羣花百卉盡羞紅誰將暖律吹寒谷  
一夕春回幾信風

上堂三行

分門纂類唐宋時賢千家詩選卷第二終 廿四夕校

補京藏本丙戌九月四  
重形于揚州博覽

分門纂類唐宋時賢千家詩選卷第三

後村先生編集

節候門

元日

新歲 人日 元日雨

元日登九仙

宋賢 元日

張弋 鍾

曆以寅為正風從艮位來桃符當壁寫竹戶趁巖開宿  
雨滋初茁長年老不才滿庭青柏葉惆悵獨持杯

又

胡安國

競裝被木餞餘寒頌遂椒花上彩箋覽鏡自驚非昔貌

舉杯同喜得新年

時賢 又

方秋崖二首

釣寂耕閑老病身何堪附翼與攀鱗山中是處有詩思  
天上自來無故人歲事共知雙鬢雪梅花又過一年春  
晴妍已有溪村興牛下柴車或可巾

又

一元塊北先天易萬物胚暉太極圖自嚼梅花冰片片  
無人先後飲屠蘇

元日登九仙

潘紫巖

不到鰲峯久重來感物華松應添歲壽梅尚隔年花清  
磬聞朝斗丹爐借瀹茶滿城人記節此日正誼譁

元日雨

方秋崖二首

那得工夫作往還一犁煙日破荒灣春今又綠山中草  
酒不能朱鏡裏顏六十只餘三歲在百年亦是霎時間  
村村雨色冥濛外已覺天公露一斑

又

上七日爲人雲蒸澗壑春入山從此始得句不知貧宿  
兩行泉脈歸禽隱樹身無人閑似我野薺共時新

新歲

戴石屏

新年試筆欲題詩老去才衰得句遲春事未容桃李覺  
梅花開到北邊枝

又

林季謙

歲已隨冬盡春猶帶臘寒舊書那厭讀新曆又驚看

換 人日

戴石屏

自觀端平新曆日眼看日月倍光輝南州有雪古來少  
人日不陰今見稀鼓舞萬方觀德化轉移一世屬天機  
朝廷有道吾君聖辦作昇平老布衣

立春

宗賢 十二月立春

胡安國

未臨除夕氣先交玉嶂朝來見日消冰自解圍回木色  
花能傳信滿梅梢人家翦綵應書字天仗迎春盡在郊  
北望塞雲魂夢斷任從飛去莫相招

又

李時

東風昨夜到疎籬早被遊蜂探得知花事又從今日好  
人情須勝去年時盤裝薺菜迎春餅瓶插梅花帶雪枝  
勸了親庭眉壽酒旋裁春帖換新詩

立春前一日

朱淑真 四首

梅花枝上雪初融一夜高風激轉東芳草池塘冰未薄  
柳條如線着春工

又

停杯不飲待春來和氣先春滿六街生菜乍挑宜捲餅  
羅幡旋翦稱聯鈇

又

自折梅花插鬢端  
韭黃蘭茁簇春盤  
潑醅酒軟渾無力  
作惡東風特地寒

又

喜勝春幡裊鳳釵  
新春不換舊情懷  
草根隱綠冰痕滿  
柳眼藏嬌雪影埋

時賢 立春

白玉蟾

東風吹散梅梢雪  
一夜挽回天下春  
從此陽春應有脚  
百花富貴草精神

歲前一日立春

林季謙二首

蠟蟻梅猶糝春盤  
菜已絲條風初被  
木殘雪更粘枝

又

歲與梅花晚春先  
爆竹鳴客愁  
雙鬢覺時事寸心驚

元日後一日立春

王臞軒

年從爆火暗中移  
翦柏迎歡上酒卮  
今日天晴宜麥熟  
明朝春到報花知  
好奇謾說雞千跖  
行樂都來黍一炊  
但得新年詩有料  
不妨貧似去年時

又

遙想東風騎氣來  
柴門迎日暖先回  
鬢絲那待金花勝  
面頰猶堪柏葉杯

人日後一日立春

潘紫巖

人日纔過春日薄  
醪生菜旅亭頭  
慈親鬢髮垂垂白  
應看諸孫弄土牛

客中立春

林季謙

鬢絲無力受春幡把酒聽歌意不歡千里同風亦同俗  
客懷終作異鄉看

上元

上元遇雨 翫燈 朝禁舞

朝科費 御宴

唐賢 上元

崔液

玉漏銅壺且莫催鐵關金鎖徹明開誰家見月能閑坐  
何處聞燈不看來

又

杜牧

夜市千燈照碧雲高樓紅袖客紛紛如今不似時平日  
猶自笙歌徹曉聞

宋賢 又

陸放翁

放翁也入少年場一笑燈前未歇狂翠袖成圍欺月冷  
轎車爭道覺塵香

又

朱淑真

蘭月籠春霽色澄深沈簾幙管絃清爭豪競侈連仙館  
墜翠遺珠滿帝城一片笑聲連鼓吹六街燈火麗升平  
歸來禁漏踰三四窗上梅花瘦影橫

又

壓塵小雨潤生寒雲葉澄鮮月正圓十里綺羅春富貴  
千門燈火夜嬋娟香街寶馬嘶瓊轡輦路輕輿響翠駟  
高掛朱簾凝望處分明星斗下晴天

無後四

上元御賞

王珪

雪消華月滿仙臺萬燭紅樓寶扇開雙鳳雲中扶輦下  
六鰲海上駕山來鑄京春酒霑周宴汾水秋風陋漢才  
一曲昇平人盡樂君王又進紫霞杯

侍宴御樓

蘇東坡

淡月疎星繞建章仙風吹下御爐香侍臣鵠立通明殿  
一朵紅雲捧玉皇

又

孫何

突兀球場錦繡峯遊人士女擁千重月離雲海飛金鏡  
燈射冰簾掣火龍

上元雨

淡月微雲外街泥小雨餘人如墟市散燈似曉星疎

時賢 上元

趙信菴

翡翠簾開舞袖輕寒星萬點下蓬瀛清尊對月酌不已  
也向蓬窗坐到明

又

姜堯章二首

遊人總戴孟家蟬爭詫星球萬點圓鬧裏傳呼大官過  
後車多少載嬋娟

嘲禁舞

市樓歌鼓太喧譁燈若連珠照萬家太守令嚴君莫舞  
遊人空戴玉梅花

嘲科費

王臞軒



後村家諫詩卷三  
元宵燈火費科條  
鬪巧爭妍照綵鰲  
官府只知行樂事  
誰知點點是民膏

翫燈

白玉蟾二首

碧玉融成萬里天  
滿街羅綺競春妍  
柳梢掛月黃昏後  
花市張燈白晝前

又

上界天官比按行  
五雲深處有簫聲  
一輪寶月明如晝  
萬斛金蓮開滿城

社日

宗賢 社日

陸放翁

坎坎迎神鼓  
兒童喜欲顛  
放翁無社酒  
閉戶課殘編

時賢 社

林季謙

茅茨寂寂幾家春  
田鼓喧喧樂社神  
欲買雞豚共尊酒  
此身猶未是閒人

又

方秋崖

燕子今年指社來  
翠餅猶有去年梅  
丁寧莫管杏花俗  
付與春風一道開

清明

附

寒食

唐賢 清明

杜牧

清明時節雨紛紛  
路上行人欲斷魂  
借問酒家何處有

牧童遙指杏花村

寒食

韓翃

春城無處不飛花  
寒食東風御柳斜  
日暮漢宮傳蠟燭  
輕煙散入五侯家

又

淡淡輕寒翦翦風  
杏花飄謝小桃紅  
夜深斜搭鞦韆索  
樓閣朦朧細雨中

又

張仁寶

寒食家家盡禁煙  
野棠風墜小花鈿  
如今空有孤魂夢  
半在嘉陵半錦川

又

薛能

美人寒食事春風  
折盡青青賞盡紅  
夜半無燈還有睡  
鞦韆懸在月明中

宋賢

清明

王元之

無花無酒過清明  
興味蕭然似野僧  
昨日鄰家乞新火  
曉窗分與讀書燈

又

何應龍

踏歌搥鼓近清明  
小雨霏霏欲弄晴  
喚起十年心上事  
春風樓下賣花聲

寒食

張澹川

江城吹角晚風斜  
城郭人稀噪亂鴉  
火冷煙青寒食過  
家家門巷掃桐花

時賢 清明

陳簡齋

街頭兒女雙髻鴉  
隨蜂趁蝶學天邪  
東風也作清明節  
開遍東籬幾樹花

又

高九萬

南北山頭多墓田  
清明祭掃各紛然  
紙灰飛作白蝴蝶  
淚血染成紅杜鵑  
日落狐狸眠塚上  
夜歸兒女笑燈前  
人生有酒須當醉  
一滴何曾到九泉

又

戴石屏

一笠戴春雨愁來不可遮  
清明思上塚昨夜夢還家  
歸興隨流水傷心對落花  
晉原松下淚沾灑楚天涯

寒食

王臞軒

一百五日寒食節  
八十六翁行地仙  
曲水流觴酬勝景  
漢宮傳燭憶青煙  
三春幸自添餘潤  
雙筆今題第幾篇  
俛仰興懷兒輩事  
先生有樂在壺天

又

蔣夢炎

不暖不寒寒食天  
小橋楊柳未飛綿  
三分春有一分在  
十日晴無兩日全  
桐角喚回前嶂曉  
子規啼破隔江煙  
麻裙素髻誰家女  
哭向墻間送紙錢

上巳

唐賢 上巳

張祐

猩猩血綵繫頭標  
天上齊聲舉畫橈  
却是內人爭意切

六宮紅袖一時招

又

黃河西繞郡城流上已應無袂襖遊為憶綠江春水色  
更隨宵夢向吳洲

時賢 又

劉後村

櫻笋登盤節物新一筇踏遍九州春似昔山陰訪修竹  
不記水邊觀麗人豪飲自憐非少日俊遊亦恐是前身  
暮歸尚有清狂態也插山花滿角巾

又

林季謙

客路春風三月三鳥飛魚泳日酣酣海棠紅藥俱無有  
試摘山花總不堪

又

白玉蟾

千紅萬紫競繁華鶯燕多依富貴家上已蘭亭修禊事  
一年春色又楊花

分門纂類唐宋時賢千家詩選卷第三終

十月二十五日校

標京藏本丙戌九月  
重刻于揚州博覽

上堂四行

分門纂類唐宋時賢千家詩選卷第四

後村先生 編集

節候門

端午

附

伏日

宋賢 端午

朱淑真

縱有靈符共綵絲  
心情不似舊年時  
榴花照眼唯牽恨  
強切菖蒲泛酒卮

時賢 又

戴石屏二首

海榴花上濛濛雨  
自切菖蒲泛濁醪  
今日獨醒無用處

後村千家詩卷四  
為公痛飲讀離騷

又

榴花角黍薦時新何處家家不酒尊堪笑江湖老詩客也隨蒿艾上朱門謁見也

又

潘紫岩

今歲獨無人弔古料他魚腹亦淒涼當時早使懷王悟安得孫心去牧羊

又

白玉蟾

驚心節物讀齊諧迎面南風泛酒杯池畔雨荒靈運草亭前雲釀洞賓槐藕絲冰水敵時暑臂綵釵符付女孩遐想沈湘歌楚些蘭魂桂魄不歸來

伏日

劉後村

屋山竹樹帶疎蟬淨掃風軒散髮眠老子平生無長物陶詩一卷枕屏邊

立秋

時賢 立秋

方秋崖

秋日尋詩獨自行藕花香冷水風清一涼轉覺詩難做付與梧桐夜雨聲

七夕

唐賢 七夕

祖詠

閨女求天女更闌意未闌玉庭開粉席羅綺捧金盤向  
月穿針易臨風整線難不知誰得巧明日試看看

又

宋 邕

北斗佳人雙淚流眼穿腸斷爲牽牛封題錦字凝新思  
拋擲金梭織舊愁桂魄三更雲漠漠銀河一帶水悠悠  
欲將心向仙郎說借問榆花早晚秋

宋賢 七夕

朱淑真二首

拜月亭前梧影稀穿針樓上覺秋遲天孫正好貪歡笑  
那得工夫賜巧絲

又

三秋靈匹此宵期萬古傳聞是果非脫俗未能還自笑

金針乞得巧絲歸

又

楊 朴

未會牽牛意若何須邀織女弄金梭年年乞與人間巧  
不道人間巧已多

中秋

附

十四日夜

中秋

秦 敏

一年月色今宵好千里無雲秋夜長宿鵲已驚枝上夢  
露螢空綴草頭光清輝靄靄寒侵屋香霧濛濛影轉廊  
老子於中非淺興披衣起坐據胡牀

又

黃魯直

灑氣纔中兔魄圓衆躔韜彩獨娟娟魏宮鳥繞空枝上  
漢苑桐凋露井前金液萬重涵渤海玉沙千里對江邊  
遙知此夕多情思三級蕭臺枕碧蓮

又

李朴

皓魄當天曉鏡升雲閑仙籟寂無聲平分秋色一輪滿  
長伴雲衢千里明狡兔空從弦外落妖蟄休向眼邊生  
靈槎擬約同攜手更待銀河到底清

又

周開祖

月華圓滿正秋中天上人間此夕同桂魄十分澄浪海  
冰輪千里碾霜空

又

王禹偁

何處見清輝登樓正午時莫辭<sub>絲</sub>夕看動是隔年期冷  
濕流螢草光凝睡鵲枝不禁雞唱曉輕別下天涯

又

朱淑真二首

光陰如撚指不覺是中秋欲賞今宵月須登昨夜樓露  
濃梧影淡風細桂香浮莫做尋常看嫦娥亦解愁

又

杳杳長江歛霧煙冰輪都勝別時圓風傳漏報天邊曉  
惆悵嬋娟又隔年

八月十四夜

孫明復

銀漢無聲露暗垂玉蟾初上欲圓時清尊素瑟宜先賞  
明夜陰晴未可知



時賢 中秋

白玉蟾

千崖爽氣已平分萬里青天碾玉輪好向錢塘江上望  
相逢都是廣寒人

又

戴石屏

把酒冰壺接勝遊今年喜不負中秋故人心是中秋月  
肯為狂夫照白頭

重陽 附

客中 登高 閏月九日  
舟中 前一日賞

唐賢 重陽

杜牧

江涵秋影鴈初飛與客攜壺上翠微塵世難逢開口笑  
菊花須插滿頭歸但將醕酌酬佳節不用登臨歎落暉

古往今來只如此牛山何必獨沾衣

又

高適

節物驚心兩鬢華東籬空繞未開花百年將半仕三已  
五畝就荒天一涯豈有白衣來剝啄亦從烏帽自欹斜  
真成獨坐空搔首門柳蕭蕭噪暮鴉

客中思憶

王維

獨在異鄉為異客每逢佳節倍思親遙知兄弟登高處  
徧插茱萸少一人

登高有感

劉禹錫

世路山河險君門煙霧深年年上高處未省不傷心

又

杜甫

老去悲秋強自寬興來今日盡君歡羞將短髮還吹帽  
笑倩傍人爲正冠藍水遠從千澗落玉山高竝兩峯寒  
明年此會知誰健醉把茱萸仔細看

宋賢

重九

王荆公

九日無歡可得追飄然隨意歷山陂蔣陵西曲風煙淡  
已有黃花一兩枝

又

朱行中二首

一見黃花只自羞蕭然短髮不禁秋誰人爲整烏紗帽  
獨倚西風滿眼愁

客中

秋風千里鴈初回強折黃花傍酒杯日下故人書自少

茱萸那寄一枝來

舟別

趙希逢

倦客逢萸節生涯寄葉舟窮途危不顧飛棹去難留舊  
菊重陽日寒蘆兩岼秋多情惟破帽猶戀老人頭

時賢

重九

方秋崖

把住秋雲遶菊籬野情未覺老垂垂古今不遇豈惟我  
風雨相過莫問誰未郭索前空有酒自陶潛後更無詩  
底須計較明年健只麼悠然自一奇

又

潘紫巖

纔說登山病便甦老身健得似於菟一絲白處潮來往  
數點青邊山有無厭勝詩窮多插菊驅魔酒惡細看萸

後村千家詩卷四  
龍山落帽方真樂孫盛汝非柏氏圖

又

徐淵子

衰容不似秋容好坐上誰憐老孟嘉  
牢裏烏巾莫吹却免教白髮見黃花

又

華岳

破帽無情不受吹滿頭霜雪已如絲  
菊花笑我三秋客風物撩人九日詩

又

戴石屏三首

九日江亭上誰憐老孟嘉  
要人看白髮不用整烏紗  
遠客愁楓葉長歌醉菊花  
歸心徒自苦尤在楚天涯

客中九日

醉來風帽半欹斜幾度他鄉對菊花  
最苦酒徒星散後見人兒女倍思家

舟中

獨立秋風裏悵然思故鄉  
街頭沽美酒船上作重陽  
籬菊一枝瘦溪魚三寸長  
客中聊爾耳亦可慰淒涼

重九前一日

陳簡齋

小甕今朝熟無勞問酒家  
重陽明日是何處有黃花

又

林季謙二首

九日明朝是明朝果是非  
流年真似夢久客盍知歸  
漸晚風聲急輕陰雨意微  
鄰牆酒初熟欲典已無衣

又

明日重陽酒何人共一杯江楓徒自落籬菊為誰開為  
客情無幾還家夢恰回小童殊解事攜得木犀來

冬附

臘

唐賢冬

韓偓

中宵忽見動葭灰料得南枝有早梅四野便應枯草綠  
九重先覺凍雲開陰冰莫向河源塞陽氣今從地底回  
不道慘舒無定分却憂蚊響又成雷

又

杜甫

天時人事日相催冬至陽生春又來刺繡五紋添弱線  
吹葭六琯動浮灰岼容待臘將舒柳山意衝寒欲放梅

醉來風帽半欹斜幾度他鄉對菊花最苦酒徒星散後  
見人兒女倍思家

舟中

獨立秋風裏悵然思故鄉街頭沽美酒船上作重陽籬  
菊一枝瘦溪魚三寸長客中聊爾耳亦可慰淒涼

重九前一日

陳簡齋

小甕今朝熟無勞問酒家重陽明日是何處有黃花

又

林季謙

九日明朝是明朝果是非流年真似夢久客盍知歸漸  
晚風聲急輕陰雨意微鄰牆酒初熟欲典已無衣

又

明日重陽酒何人共一杯江楓徒自落籬菊為誰開為  
客情無幾還家夢恰回小童殊解事攜得木犀來

冬附

臘

冬

韓偓

中宵忽見動葭灰料得南枝有早梅四野便應枯草綠  
九重先覺凍雲開陰冰莫向河源塞陽氣今從地底回  
不道慘舒無定分却憂蚊響又成雷

又

杜甫

天時人事日相催冬至陽生春又來刺繡五紋添弱線  
吹葭六琯動浮灰岼容待臘將舒柳山意衝寒欲放梅

雲物不殊鄉國異教兒且覆掌中杯

臘日

杜甫

臘日常年暖尚遙今年臘日凍全消侵凌雪色還萱草  
漏泄春光有柳條縱酒欲謀良夜飲還家初散紫宸朝  
口脂面藥隨恩澤翠管銀罌下九霄

宗賢 冬至

朱淑真

黃鍾應律好風吹陰伏陽升淑氣回葵影便移長至日  
梅花先勝小寒開八神表日占和氣六琯吹葭動細灰  
已有岼邊迎臘柳參差又欲領春來

時賢 冬至

戴石屏

年光流轉尋常事世事驚心感慨多一歲休祥在雲氣

今朝雲氣果如何

又

方秋崖

至日觀書不幾行梅梢橫月欲昏黃漢宮紅影無人見  
未必能添一線長

除夜

時賢 除夜

王臞軒二首

爆竹聲中臘已殘  
醑酥酒暖燭花寒  
朦朧曉色籠春色  
便覺風光不一般

又

窮冬欲去尚裴回  
獨坐頻斟守歲杯  
一夜臘寒隨漏盡

十分春色破朝來  
桃符自寫新翻句  
玉律誰吹定等灰  
且是吟詩人未老  
換年添歲莫相催

又

憶昔都城值歲除  
高樓張燭戲呼盧  
久依淨社參尊酒  
難向新豐認酒徒  
天子未知工草賦  
鄰人或倩寫桃符  
寒宵別有窮生活  
點勘離騷擁地爐

又

除夕陰寒怕捲簾  
雨聲斷續下高簷  
壁穿自和乾泥補  
窗損教尋廢紙粘  
祇有青燈相守定  
縱無白髮亦生添  
更闌自算明年事  
不就君平卦肆占

又

方秋崖

挑盡殘燈歲又殘一年彈指幾悲歡人情何啻吳江冷  
世路從來蜀道難春酒正須今夕共梅花併作隔年看  
團樂但得吾親健未辦生涯意自寬

又

潘紫巖

屈指頭顱三十一年時又見煮醪酥平生自謂妄男子  
未死誰甘賤丈夫戲逐兒童燒竹爆自拈秃筆寫桃符  
梅花一笑須相領莫道今吾非故吾

又

曾公衮

北風吹雪四更初嘉瑞天教及歲除半盞醪酥猶未舉  
燈前小草寫桃符

又

朱淑真

上富

休歎流光去看看春欲回椒盤捲紅燭柏酒溢金杯殘  
臘更籌盡新年曉角催爭先何物早唯有後園梅

分門纂類唐宋時賢千家詩選卷第四終

十一月廿五日午刻校

補宋藏本丙戌九月  
重刻于揚州博覽

谷村上家言卷四

十一



程